



Terenga 2: Hōtaka 49 - tūpono

Kei aku kākā wahanui, kei aku manu tīoriori o runga i ngā taumata kōrero, whakapiri mai ki te rākau taumatua o te reo Māori e karanga nei i ngā kāhui manu o te wao kia pāraweranui ai te rangona o te māra-a-Tāne.

Hei Mahi Whakarongo

Nā te ātaahua o ngā kōrero o roto, kua tīpakohia anō tētehi kaupapa kōrero nō te hōtaka a Ruia Aperahama, nō 'He Iwi Whakaponu' hei whakarongo mā tātou. Ko taku tungāne, ko Rāhui hei manuwhiri mā Ruia. Ko te kaupapa o ā rāua kōrero, ko te Paimārire. Anei ngā pātai hei whakautu mā koutou.

1. He aha ngā whakamahuki mō te Paimārire?
2. Ko wai ngā rōpū i kaha whakahē i a Te Puea mōna i aukati i te haerenga o ngā tāne ki te pakanga?
3. He aha te pānga o Tāwhiao ki te Paimārire?

He Whakamārama

tūpono = *come across accidentally, chance upon, come about*

Anei ētehi tauira hei wetewete mā koutou:

1. He mea **tūpono** noa iho te taenga mai o ētehi ngārara ki te taiao o Aotearoa.
2. I **tūpono** noa au ki tana reta mai ki a au i roto i tana rūma.
3. I āta katia te kēti kei **tūpono** te haere o ngā tamariki ririki ka taka ki roto, ka toromi.

Hei Manatu

Ko te kupu hou i titoa ai e Tīmoti Kāretu mā mō ngā momo pūrere o te ao hou, ko te **hangarau**. Anei ngā whakamārama mō taua kupu e noho tangata whenua ana i roto i te hunga kōrero Māori o ēnei wā.

Hei Mahi

Whakamāorihia ēnei rerenga:

1. I came across the photo by chance.
2. In case I don't see you before you go in, good luck.
3. The branch hit my face by accident.
4. Our ancestors didn't arrive here by accident.
5. In case you get there before I do, you take the key.

Whakautu:

1. I tūpono atu au ki te whakaahua.
2. Mō te tūpono kāore au e kite i a koe i mua i tō kuhutanga atu, kia kaha!
3. I tūpono te rākau ki taku kanohi.
4. Kāore i tūpono mai ō tātou tūpuna ki tēnei whenua.
5. Mō te tūpono ka tae wawe atu koe ki reira, māu te kī e hari.